



國家出版基金項目
NATIONAL PUBLICATION FOUNDATION

民國史料叢刊

續編

0712

孫燕京 張研 主編

經濟 · 商貿

民國二十六年海關中外貿易報告
民國二十七年海關中外貿易報告（一）

大象出版社

民國史料叢刊

續編
0712

孫燕京 張研 主編
經濟 · 商貿

民國二十六年海關中外貿易報告
民國二十七年海關中外貿易報告（一）

海關總稅務司署統計科稅務司阿澤本編輯

民國二十六年海關中外貿易報告

沙市 四五

長沙 四六

岳州 五〇

長江下游各埠

漢口 五二

九江 五六

蕪湖 五七

南京 六〇

鎮江 六二

華中各埠

上海 六三

蘇州 六八

杭州 六九

寧波 六九

溫州 七二

華南沿海及西江各埠

三都澳 七四

福州 七五

廈門 七八

汕頭	八一
廣州	八四
九龍	八八
拱北	九一
江門	九三
三水	九四
梧州	九六
南寧	九七
雷州	九八
瓊州	九九
北海	一〇一
華南陸路邊境各埠	
龍州	一〇三
蒙自	一〇四
思茅	一〇七
騰越	一〇八
稅課	一〇九
中國對外貿易情形	
貿易貨值	一一五

貿易趨向

一二〇

洋貨進口情形

棉貨

一四四

棉花

一四七

人造絲

一五〇

金屬及鑛砂

一五一

機器及電氣材料

一五三

雜糧及雜糧粉

一五五

糖品

一五八

化學產品及製藥

一六三

染料顏料油漆凡立水

一六四

石油產品

一六五

紙

一六七

木材

一六九

土貨出口情形

生絲

一八〇

棉花及棉紗

一八二

蛋及蛋製品

一八四

茶類

一八六

鑛砂金屬及金屬製品	一九一
皮革及皮貨	一九五
桐油	一九七
花生及其製品	一九九
籽類	二〇二
猪鬃	二〇四
毛類	二〇五
交通情形	
航業	二〇六
運費	二〇九
鐵路	一一一
公路	一一三
金銀移動與外匯狀況	
黃金出入	一一五
白銀出入	一一五
白銀產額及價格	一一六
國外匯兌	一一七
移民情形	一一八
結論	一二〇

西園

東園

南園

北園

中園

東園

西園

南園

北園

中園

東園

西園

南園

北園

中園

東園

西園

民國二十六年海關中外貿易報告

導言

國際政治及經濟概況

本年國際政局，險象環生，瞻念前途，殊堪憂慮。所有締結新羅迦諾公約，成立集體安全制度，以及裁減軍備等期望，既已都成泡影，歐戰後所獲之苟安局勢，至於去歲，可謂已成尾聲。而重整軍備計劃，則各國爭先恐後，積極推行，加以西班牙內亂，遷延不已，中日戰爭，又復暴發，於是本年世界情勢，愈趨杌隉矣。

夷考歐戰後各國所訂裁軍條約，其最有成效者，當推一九二二年華盛頓五國海軍條約，及一九三〇年倫敦海軍協定，而此二條約，俱於上年宣告滿期。其碩果僅存者，今惟一九三六年英法美三國海軍協定，暨英法美義日五國所訂關於使用潛水艇之約章而已。所幸本年七月十七日，英國復能與德俄二國，在倫敦分別成立海軍協定，相約關於巨艦噸位及軍艦砲位之口徑，德俄二國均願遵守現行限制，不予違反。所不幸者，對於主力艦砲位口徑不得超過十四英吋之限制，日本拒絕遵守，以致英德英俄海約交涉，大受影響，收效幾微。而日義二邦，對於英法美三國海約，迄今不予參加，尤堪惋惜。

本年歐洲各國，除對於殖民地問題，獲有初步商討外，絕少協調可言。關於重訂羅迦諾公約一節，其簽訂舊約諸邦，既遇有新集團國家，相與對峙，自難有所成就，而各國相率合縱連橫，組爲同盟，又使根據集體安全制度，成立妥協之望，毫無實現可能。至於國際聯合會，則威信日墮，形同虛設，蓋以裁軍會議既無結果，而滿洲事變，義阿戰爭與萊因糾紛，亦均無法解決。甚至歐洲條約問題，並遭失敗。兼之美國依然避之若浼，日德義三國相繼退出。於是國聯能力，愈益微弱，世人不復視爲制止戰禍及解決爭端之有效機構矣。

西班牙內爭，遷延未已，致使歐洲問題，愈形複雜。差幸不干涉協定，英義地中海紳士協定，暨關於防止非法襲擊船隻之尼翁協定，先後成立，而撤退志願兵之擬議，又告實現。凡斯成就，對於消弭西戰，均予相當助力。星星之火，尙得囿於一隅，未致燎及全歐，未始不由於此也。

比國疆土狹小，介乎兩強之間，其在羅迦諾公約及一九三六年英法美海約中，所負保證國之義務，本年四月間，得予解除。但比國領土，倘被侵略時，英法二國，仍有予以聲援之義務。嗣於十月間，復與德國成立同樣諒解。根據此項諒解，德國承認比國中立及領土完整，而不得侵犯焉。

義國於本年十一月六日簽訂草約，加入日德二國上年十一月二十五日締結之防共協定，旋於同月二十九日，聲明承認僞滿洲國，十二月十一日退出國聯。

本年佛郎價值，續見跌落，迨至六月二十八日，巴黎交易所，迫不獲已，停止營業。其後二日，政府以命令公布，廢止上年十月一日貨幣法中關於佛郎舍金自四十三至四十九公絲之規定，佛郎遂與黃金脫離關係。同時規定收購黃金價格，爲每公斤值二萬八千九百五十九佛郎，即英匯一鎊合一百二十八佛郎七五。雖則佛郎價格再度貶低，而七月一日巴黎交易所，重行開市後，英美二國依然宣布對於英、法、美三國貨幣協定，決意予以維持，並繼續密切合作。惟以法政府既對佛郎舍金成分不復限制，其價值自更如水就下，及至七月十七日，英法匯價落爲一百三十二佛郎。同月二十三日，法蘭西銀行之金準備重行估值，其每佛郎舍金成分，自上年秋季估值時所定之四十九公絲降爲四十三公絲，換言之，即英匯每鎊減爲一百十二佛郎半。厥後嚴格減政計劃公布，佛郎價值，微見回升，但不旋踵復趨下游。及至十月，英匯每鎊計合一百五十佛郎之多，殆爲十載以來之最低紀錄也。回溯以往英法匯率，當以一九二六年六月杪爲最高，計每英金一鎊合二百四十四佛郎，而其時英鎊與黃金尙維持平價，若夫本年，英鎊與黃金之比價，業已較前銳減，是故若按金鎊計算，則英匯每鎊當合二百四十六佛郎七四，視昔尤有過者。後半年間，法國人民對於國外投資，多懷疑懼，尤以對美爲甚，以故資金流回本國者，爲數不少，兼之政府重行保證並無統制匯兌之意，於是匯市得臻穩定，佛郎信用，亦告恢復，因之歲闌時，英法匯價，稍見回升，每鎊計合一百四十七佛郎焉。

本年美國俄海阿及密士失必二河，氾濫爲災，勞資糾紛，層見迭出，天災人禍，交相侵尋。但工商各業，大部時期，尙稱繁榮，尤以重工業及證券市場爲甚。雖其商業活動情形，較經濟恐慌以前，仍覺遜色，然工業狀況，則自一九三二年以來，洵有突飛孟晉，一日千里之概。羅斯福總統，鑒於經濟復興，進展異常迅速，深恐常此賡續不已，前途難免發生危機，爰於本年三月間，對於工商各界，畧加警示，以爲防患未然之計。迨至四月，商民咸恐政府變更購金政策，羣相疑慮，結果所致，證券與商品市場，發生極度不安。緣是關於收購黃金情形，殊有一述必要：按照一九三四年一月之金準備法，美元重量，最低不得少於原重百分之五十，最高不得超過原重百分之六十，即每元所含金量，最少應爲十二·九格蘭，最多十五·四格蘭，其金之成色，定爲九成，則每元所含純金，當在十一·六一至十三·九三二格蘭之間，換言之，即每純金一盎斯，應值美元最少三十四元四角五分，最多四十一元三角四分是也。其時美國財部即從事收購黃金，價值不依從前所定每盎斯二十元六角七分之比例，而一律按照每盎斯三十五元計算，蓋不啻將美元價值貶低，而爲原價百分之五十九·〇六矣。自是以還，迄未變更，惟下議院，曾於本年一月間，復行授權大總統，准其在一九三九年六月三十日以前，如有必要時，得將美元價格，再予減低，並准其對於二十萬萬元之匯兌基金，有權運用，如此而已。

本年秋季，美國工業情形，忽遭頓挫，其時工業股票價格，突反其一九三二年以來增漲趨勢，遽然暴跌百分之五十，各項生產工具製造企業，莫不急遽衰落，而所有新投資，幾於完全停頓，一時情勢，殊爲危急，頗有嚴重經濟恐慌，行將掩土重來之象，工商各業，交相惶恐。實則此種景象，毋庸杞憂，蓋以物價經長期繼續漲之後，勢必發生反應而有一度之調整也。顧此次工業衰落，其起因厥非一端，舉凡美國物價低降，國際情勢緊張，罷工風潮澎湃，商業前途暗淡，以及證券交易委員會對於貿易予以限制，在在均有影響焉。

本年五月一日，羅斯福總統將永久中立法，予以簽署。依據該法所訂條款，美國總統非獨對於侵略國與被侵略國，無從辨別，即遇有一國發生內爭時，其於中央政府與叛軍之界限，亦難劃分。不寧唯是，此項法案，除確屬軍火外，關於其他物品之出口，並未直接加以限制，似屬難稱完備也。

日澳商務糾紛，交涉凡七閱月，延至上年杪，始告解決。按照新訂商約，在一九三八年六月以前十八個月內，澳洲聯邦准予輸入日本紡織品一萬五千三百七十五萬方碼，日本在同期之內，允購澳洲羊毛八十萬包，以示互惠。日美二國關於進出貨物，亦曾簽立限額協定，相約自一九三七年一月一日起，至翌年十二月三十一日止，除以前各商約所訂之貨物不計外，日本運銷美國之棉織品，以二萬五千五百萬方碼爲限。

日本廣田內閣與林內閣，相繼擱淺以後，近衛文麿，乃於本年五月三十一日，拜受大命，出任首相，重組新閣，而以廣田爲外相。迨六月間，陸軍省擬具五年工業計劃，呈請企劃廳核准，其經費定爲日金九十萬萬元，自一九三八年起始施行，預期至一九四三年，日本帝國工業生產量，約可增至三倍，其工業產品，以一九三六年估計，已達日金一百二十萬萬元之多。日本並定有五年（自一九三八至一九四三年）國防計劃，其所需經費，約達一百十萬萬元，可云鉅矣。自本年八月一日起，日本對於國外匯兌，限制益嚴，不啻完全置於政府掌握之中。並爲防止日元價值發生漲落起見，曾於七月二十日，披露重行估定日本銀行金準備計劃。按日本銀行存金準備，原照每黃金一公分合日金一元三角三分核計，共有五萬三千一百萬元，茲改按每公分值日金三元五角重予估價，則增爲十四萬萬元。十月十日日本臨時輸出入許可規則，相繼公布，凡非切要物品，計共二百六十種，一律限制進口，所有罐頭食品，含有及不含酒精之飲料、皮革、帽、化學品、香料、植物油、染料、紗紡織品及樹膠製品等，莫不包括在內。出口貨物，亦有數種，予以禁止。旋於十月二十三日，復行規定進口棉花，每月以一百五十萬包爲限。綜計本年日本進口貿易，共值日金三十九萬五千五百萬元，出口貿易僅值三十三萬一千九百萬元，入超之數，不下六萬三千六百萬元，其運往美國用以彌補此項入超之黃金，共值日金六萬五千萬餘元。至日本政府一九三七至一九三八年年度歲出預算，連同追加之戰事用費二十五萬五千九百萬元一併在內，共計五十三萬六千四百萬元，出入不敷，約達三十五萬萬元之多。

本年世界大局，雖則擾攘不寧，而各國當軸對於改良貿易，仍係積極籌謀，從未稍懈。如敦請比國總理齊蘭氏，前往各國調查經濟狀況，以謀輸入定額制度暨他項貿易障礙之解除方法，是即此項努力之彰明較著者也。他若國聯經濟委員會，對於各項貿易桎梏所生影響，以及恢復國際商業之適當方法，亦均加以檢討，俾圖改善。而世界糖業會議，能將各國銷售於自由市場之糖品標準比額，商得妥協，又予世人以相當鼓勵，致使重開國際會議，俾對世界經濟問題加以總探討之念，油然而生。是均努力促進貿易之良好象徵。

本年三月間國聯召集之研究原料委員會，於九月間就其檢討所得發表報告書，其中要點，約有數端：一、世界原料除棕油、樹膠及乾椰子外，其餘最大多數產自非殖民地國家，二、獲取原料之困難，實基於匯兌紊亂，而整飭武備經費奇鉅，更使此項困難，有增無減，三、特惠關稅與統制生產，亦均予購取原料以相當阻撓。研究結論，僉以繳結所在，屬於原料供給者少，而關於支付價款問題者大也。奧斯陸會議年內再度開幕，重新協商將一九三零年會議所定局部特惠關稅辦法，予以推廣施行，俾貿易情形，益見改善，而臻於清明之境。按該會議規定，比和及魯生堡三國，除將輸入定額制度予以取消外，並允對於自斯堪的納維亞諸國與芬蘭進口之大多數貨物，免增關稅，同時斯堪的納維亞諸邦及芬蘭，對於上述三國之重要貨物，亦允不增關稅或施行其他限制，以示互惠。此種辦法，在奧斯陸會議各國經濟合作史中，已開一新紀元，而此次會議，則對於世界各國，均表歡迎